



Tur abonado di CableTV lo ser cambia pa Setar IPTV



ORANJESTAD (AAN): Tabata Diamars mainta cu Roland Croes di Setar NV, a anuncia cu nan ta drentando e epoca di futuro door di introduci servicio di Setar IPTV. Un sistema cu pronto lo reemplaza tur sistema existente na Aruba, y asina ta cumpli cu e trend di publico cu awor a cambia nan sistema di wak programa di television.

Aki Croes a splica, cu e sistema tradicional di mira 'television linear' di antes a cambia. Awor mas y mas cliente kier mira television non-linear, pues ta busca pa mira programacion 'on demand'. Un cliente kier mira TV na e ora cu e kier, e kier pause e programa ki ora cu e kier, y sigui mire te na final, na e ora di su agrado.

SETAR a cuminsa haci instalacion di su servicio nobo di IPTV pa e prome clientenan. IPTV, esta Internet Protocol Television, ta un solucion cu ta reemplaza e sistema actual di Cable TV. SETAR lo tin e solucion a base hy-



Access Point

Setar Set-top box

brid pues e por traha riba Coax y Fiber.

Telecomunicacion ta un sector cu continuamente ta cambiando segun tecnologia ta avanza. Segun Roland Croes, loke e crisis di Coronavirus nobo a muestra tur hende ta e importancia di e servicio di Internet. Pero ademas di dje, tambe ta draai tur cos cu tin di haber cu video.

Setar NV na aña 2005 a cumpra e compania Cable Television of Aruba (CTA) y na 2007 a introduci Digital Cable, y tambe a bin cu CableNet pa servicio di internet. Na 2009 e compania di CTA a wordo integra totalmente den Setar.

Na 2015 a introduci speed di 100 mbps pa cada cas riba CableNet. Decision a cay cu lo sigui usa e red di CableTV pa sigui suministra internet cu speednan mas halto y cu demas upgrade.

Despues di un analisis, Setar NV a dicidi como 3 aña pasa di lo bay over tambe pa IPTV. Pero aparte di esey, a nota cu WiFi den casnan tambe a bira hopi importante.

Asina e oportunidad a presenta, pa Setar IPTV crea un sistema nobo pa mira

TV na cas, pero na mesun momento ta bay moderniza e sistema di WiFi, den forma di un sistema cu lo bay cubri full bo cas cu señal den loke nan ta bay yama "Wireless Mesh".

Pues basicamente crea un red wireless den bo cas, usando un sistema full nobo di WiFi. Y esaki como un sistema smart usando boxnan mas chikito, pa evita cu bo tin problema cu señal.

E sistema aki e ora lo haci e servicio di TV traha aun mihor, cu servicionan on-demand mas confiable manera di Netflix, Disney+, Amazon Prime, etc. Segun Roland Croes, Setar ta bin cu un servicio di TV cu alavez lo bay drecha bo WiFi pa cubri tur huki di bo cas.

YEN DI 'FEATURES':

E sistema di Setar IPTV ta uno moderno cu yen di "features". E waya di CableTV cu ta drenta bo cas, lo bay conecta direct na un box color blanco masha chikito mes cu yama 'Access Point'. E box ey alavez lo bira un 'node' di WiFi.

Ademas bo lo haya 2 Set-top box pa bo pone na

dos diferente TV cu waya di HDMI. Bo no mester pone waya di Cable mes na esaki. Cada Set-top Box ta bay bira tambe un node di WiFi. Pues en total lo bo ta bay tin 3 box di WiFi den bo cas pa cubri tur huki.

Cada Set-top box ta color preto y chikito, y ademas di produci un imagen di 1080 HD, nan ta cla tambe pa pronto ofrece imagen di 4K, segun Croes a bisa.

E 'features' di cada Set-top box ta fenomenal! Expertonan di Setar NV a haci un demostracion, y bo por a mira cu Setar su cloud storage priva ta grabando 80 canal constantemente y tin e programacion warda pa 7 dia largo. Esey nifica cu bo por replay un show cu a pasa te cu 7 dia pasa na e.o. ABC-TV cu bo no a haya chens di mira.

Tambe si acaso bo a yega cas laat y ya caba e Torneo di Tennis na ESPN a cumenza, bo por primi boton riba menu y escoge "Restart TV" pa e server rewind e show y start esaki for di comienzo! Nunca mas lo bo perde programa di TV. djis pasobra bo a yega cas laat.

E cambio pa Setar IPTV lo ta gratis, y e compania a cuminsa cambia boxnan na casnan caba, y lo haci esaki segun barrio. Pues tin un team encarga pa yama clientenan y despues traha un cita pa nan yega cas y haci e cambio.